



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam
Contemplativæ functiones utilissima, Duobus Tomis Comprehensa. In
Qvibvs Singlari Pietate, Varia Ervditione Clariori Et Breviori Stylo
Continentvr Et Explicantvr ...

Tomás <de Jesus>

Coloniæ Agrippinæ, 1684

Capvt III. De amore incipientium sensibili & vulnerante.

urn:nbn:de:hbz:466:1-38621

CAPVT III.

De amore incipientium sensibili & vulnerante.

ARDENTISSIMO quidem & divino amore viam hanc supernaturalem ingredientibus non raro afficiuntur, quo amoris incendio ad sentendas divitias & delicias amoris DEI erga ipsos incomprehensibiles repentino motu excitantur. Ex hoc autem amore mira compunctio, intima contritio, ac præteritorum peccatorum dolor generatur, ut in B. Maria Magdalena, quæ à Christo amoris iaculis confecta, itatim ad ejus pedes lacrymarum rivulus ab oculis fundens, ineffabili affectu dolore corruiat. Ex compunctione mox quidam affectus amoris sive devotionis sensibilis promanat, quo animo miro modo excitatur & inardescit ad divinam bonitatem ac liberalitatem redamandam, ac ad benedicendum & gratias agendum ei, immensa sibi collata beneficia propiciens: ita ut jam sibi dulce & suave appareat, quod antea amarum & laboriosum videbatur: sentit enim intra se gratiam quamdam sensibilem, sive sapidam quemdam erga DEUM & res divinas amorem, qui à dono Sapientie, quod præcipuum est inter alia Spiritus sancti Dona, dimanat, per quem facile rebus omnibus creatis valefacit.

Ideo verò amor iste sensibilis gratie nomine comprehenditur: quia quamvis à Sapientie dono promanet, proficit tamen ab eo secundum inferioris ejus gradum. Sunt enim in hoc Dono, quemadmodum superius disseruimus, tres perfectionis gradus; infimus ille verò est, quando sapida illa cognitio & dilectio, quæ hujus Doni est proprius actus, in inferioribus animæ viribus gustatur, & à vitæ spiritualis tyronibus experimentaliter percipitur. Gradus iste amoris, quo anima suæ vocationis initio feliciter à DEO vulneratur, merito à venerabili viro Richardo de S. Victore, *Tract. de Gradib. violen. charit.* Amor vulnerans appellatur, juxta illud Cantic. 2. *Vulnerata charitate ego sum.* Quia amoris aculeus mentem hominis medullitus penetrat, affectumque transverberat. Interim ut desiderii sui assus cohibere vel dissimulare omnino non valeat, desiderio ardet, fervet affectu, aestuat, anhelat profunde ingemiscens, & longa suspiria trahens. Hæc tibi anima vulnerata certa sint signa, gemitus atque suspiria, vultus pallens atque tabescens. Hic tamen gradus interpolationem recipit, & incumbentium negotiorum curis & sollicitudinibus cedit. Febricitantia itaque, more, qui hoc typo vexantur, nunc acritus uruntur, nunc occupationum suarum occasione aliquantulum recreantur, sed iterum post modicam interpolationem aestuans ardor ferventior redit, animusque jam fractum acritus incendit, & vehementius urit. Sæpe itaque recedens, semper seipso major rediens paulatim animum emollit, viresque effringit atque exhaurit, donec plene animum sibi subigat atque subternat, jugique sui memoria totum occupet, totum implicet, totum obliget, ita ut hoc ei excidere, aut aliud cogitare non possit, & jam de primo gradu ad secundum transsit.

Et infra eodem Cap. loquens de eodem amore vulnerante, illum incipientibus etiam à DEO donari docet his verbis: Hic est cibus ille celestis, qui egressus de AEGypto solitudo rescit, & per solitudinem pascere. Hoc est illud manna absconditum, quod

nemo novit, nisi qui accipit. Hæcenus Richardus.

Primus hic amoris violenti gradus à D. Bonaventura in *Tract. de Septem gradib.* Contemplatur vocatur ignis. Primo, inquit, anima ignitur, ignitur, unita & spiritus, &c. Et infra: Ignis hic est divini caloris vel amoris vehementis fervor, qui contemplativi viri animam, cum se ad orandum DEUM effuderit in conspectu DEI, subito eam valde perlucido splendore irradiat, quamplurimum ignis, & ardentes motus affectionesque accendit, malosque concremat & exsufflat, torporem inflamat, & torporem expurgare facit, atque ipsam totam animam, veluti perpetuum quoddam & pinguisimum holocaustum, divino conspectui representat. Hæc ille.

Solei etiam aliquando DEUS amorem ligantem incipientibus elargiri, ut non solum vulnerati, sed & amoris vinculis ligati, tribulationum & tentationum tempestatibus concussi resiliat, aut ad Aegypti ollas, consolationes humanas inquirentes, redire non valeant.

CAPVT IV.

De voluptate sive oblectatione sensibili, qua incipientes ineffabili à DEO suavitatis trahuntur.

Est autem hæc gratia & oblectatio sensibilis, qua inferioris animæ regnum, vires inquam omnes sensuivæ, delicatium & voluptatis quasi rivulo irrigantur, donum DEI supernaturale (quod à Sapientie, Spiritus sancti dono, promanat) adjuvans hominem & inducens ad majorem superius mortificationem, & ad retrahendum illum à labentium creaturarum amore, ut sic hoc dulcedinis melle ablatus, rebus transitis relicto, DEO mente & spiritu penitus inhaereat.

Ex hac verò oblectatione & sensibili gratia, ut experti omnes clamant, spirituales deliciae & voluptates incredibiles proficiunt, quibus gaudens repens spiritus noster tanto delectationis & internæ dulcedinis torrente potatur, ut se exultimet divini amoris amplexibus penitus involutum. Richardus de S. Victore, de *Gradib. violen. charit.* præclaret, ut solet, istam ineffabilem dulcedinem, quam anima solet in hoc primo amoris gradu experiri, optime declarat. In primo itaque, ait gradus, Spiritus ille super mel dulcis intrat ad animam, & dulcedine sua inebriat eam, in tantum, ut habeat mel & lac sub lingua sua, & fiant saporis dissilans labia sua. Memoriam abundantia suavitatis erudunt, qui ejusmodi sunt, eo quod ex abundantia cordis exloquatur. Hæc est prima consolatio, quæ abrenuntiantes seculo primo excipit, & in bono proposito consolidare consuevit. Hic est ille dulcor spiritualis & internæ suavitatis, quæ quasi modò genitos infantes semper solet lactare & alere, & ad maturitatis robur paulatim perducere. In hoc itaque statu anima à Domino in solitudinem ducitur, ibique lactatur, ut interna dulcedine inebrietur.

Audi quid de hoc statu dicitur, ubi Dominus per Prophetam loquitur. (Olee 2.) Propter hoc, inquit, ecce ego lactabo eam, & educam eam in solitudinem, & loquar ad cor ejus. Sed prius oportet AEGYPTUM deserere, prius oportet Mare rubrum transire, prius necesse est AEGYPTIOS in aquis perire, prius necesse est AEGYPTI cibos desiccare, quàm possimus hoc spirituale alimentum cibumque celestem percipere. AEGYPTUM

Amoris
vulnerans
descriptio.

Delectatio
sensibilis
per la-
psum
dilectio-
nis